

四川鹽法志

四川鹽法志卷七

轉運二

本省計岸

計口授鹽之法蓋始管子所謂十口之家十人食鹽

百口之家百人食鹽以至大男大女吾子

原注謂小男小女也

皆爲之商禹筭月人籍錢焉然齊行之而國霸後世行之而民病如宋清熙間廣東潮惠南恩等州之計

口抑售咸涸間之沿門強委刻日責償是皆責課於

民非猶今蜀計之均課於商也蜀號稱富庶庶幾管

子萬乘之國開口千萬矣顧趙宋以前猶往往兼行

解鹽議者至欲盡實諸井而輦解鹽以給食

詳記明事

行鹽地方亦祇本省成都敘州順慶保甯夔州潼川
嘉定雅州

見前
井鹽

及邊張獻忠之阨塞井夷竈黎民幾

無子遺

國朝定亂後招集流亡土著者僅百餘一二既而遠人
來集寢成邨落耕鑿食飲薦臻富庶康熙十二年乃
敝於逆藩吳三桂之亂八年而後安集當時以兵燹
之餘蜀賦獨輕於天下鹽法蜀利之大者亦務從民
便久之引少戶繁官便其私民競於利於是雍正七
年巡撫憲德與川陝總督黃廷桂遵奉

上諭

恭錄
卷首

始檄驛傳鹽法道劉應鼎詳定章程按戶計口

授鹽行引凡有鹽井之廳衛州縣四十無鹽井者九

十有九又邊遠之州縣四具籍以聞約人日食鹽五

錢

見他稟牘未見原奏據仁壽縣志作每歲人十二斤又見湖北入州縣稟牘作三錢又見咨貴州牘

作人食鹽一斤得引幾何以授之各州縣又分授之商人而

責其引稅民無與焉並爲之擇隘口設巡役州縣銷鹽各有考成議既下時習狃於故常官私欲陰沮其事者頗多民籍久不上應鼎數嚴檄各屬否者且按布政司舊籍舉辦久之僅乃得行

黃廷桂憲德奏略查川省產鹽之廳州縣衛共三十五處不產鹽之廳州縣衛共八十三處每歲計行銷水陸二引共三萬八千三百一十一張徵收課稅盡考成於產鹽之各州縣其餘惟資鹽利並

無考成查附近省會之各州縣地勢平衍餘皆崇
山峻嶺迅流急湍如將鹽引盡責成產鹽之州縣
招商行銷而山川險阻部引往返動卽違限商人
不敢承領以致私販充塞官引壅滯甚爲鹽政之
弊自應欽遵

上諭通行合省不論有無產鹽州縣約計戶口之多寡
均勻頒發令其各自招商轉運在商人於本地方
官領引卽於本地方官繳銷自無往返違限之虞
招商行引事屬易便再於各州縣查出隘口設立
巡役專司稽查私販自必斂跡官引亦無壅滯惟
是舊日產鹽州縣原各載有報賣口岸應飭各產

鹽州縣將報賣之日岸某處原銷水引若干某處原銷陸引若干逐一報出各自分認或其中戶口蕃育所銷鹽斤不敷食用者應令查明鹽斤實數再增引日如數承領以敷民食至僻遠地方不行官引之州縣或因途路遠難向未行引或因人民散處不易招商往往鹽價高昂民間食淡應令該地方官通查戶口若干核定應銷鹽引若干即將引日交地方官設法行銷再於招商行引之中酌量因地制宜以盡疏通之法又產鹽州縣即將官引分發各處是本地人民竟無官引可銷自應計其戶口另增引日但因其地方產鹽本地居民荷

柴負米便於貿易不另招商應將本地所增之引
分配上中下井電照商人例行銷完納引稅又蜀
地東接湖廣西通松潘南連滇黔北界漢中西南
之打箭爐五處尤爲私販出入之藪應責令文武
官弁設立隘口實力巡緝以防越境外販至各處
行鹽之州縣應令各隘口各自巡查使私販實無
託足之地合省行銷官引州縣均定有考成則不
但鹽引易銷鹽稅漸增而小民亦無不得鹽以爲
日食之用矣 戶部議略川省產鹽係何州縣僻
遠者係何地方疏中旣未分晰而地方官如何設
法行銷居民如何納稅之處亦未詳細聲明 憲

德奏略川省產鹽州縣如簡州閬中南部南充西
充蓬州富順隆昌屏山榮昌忠州鄆都彭水大甯
雲陽萬縣開縣鹽源潼川射洪鹽亭中江蓬溪樂
至嘉定犍爲榮縣江安資州仁壽井研內江資陽
綿州太平以上共三十五州縣並復設之大足安
岳威遠新報開淘之長甯與從蓬溪改歸之遂甯
共四十州縣均係產鹽州縣應將原行水陸引張
分行各州縣招商行鹽如將引日分行各處該州
縣無引行銷應計戶口另增引日責另井竈照商
人一例行銷如本地出產鹽斤不多不敷食用仍
應分別州縣官引以資食用又如忠州萬縣太平

鄴都等四州縣除鄴都鹽井一眼辦課之外原無
餘鹽不能增引其忠州萬縣太平向止權課并未
配引亦應查明鹽斤配引行銷至奉查不產鹽之
州縣如成都華陽溫江新繁金堂新都郫縣灌縣
崇慶新津漢州什邡松潘蒼溪廣元昭化巴州通
江南江劍州營山儀隴廣安渠縣大竹隣水岳池
宜賓南溪慶符高縣筠連琪縣興文敘永廳建武
廳江津長壽永川綦江南川黔江合州墊江涪州
銅梁奉節巫山梁山建始平武江油石泉西昌冕
甯越嶲衛會理州雅安名山榮經蘆山遂甯眉州
丹稜峨眉洪雅夾江邛州大邑蒲江瀘州合江巴

縣納溪安縣綿竹德陽梓潼茂州汶川保縣達州
東鄉以上廳州縣衛共八十三處又復設之彭縣
崇甯雙流璧山定遠新甯彭山青神彰明羅江并
改歸之永甯改設之清溪改流之天全以及建昌
所屬德昌所逃易所鹽中左所州縣廳衛所共九
十九處俱不出產鹽斤自應分認各產鹽州縣引
目招商行運又查僻遠州縣如成都所屬之松潘
衛保甯府所屬之南江順慶府屬之儀隴夔州府
屬之建始以上四處或地處邊遠或治設山僻途
路崎嶇人民散處招商不易因而鹽價高昂貪利
奸徒乘機興販每致窮民淡食且蔓延於鄰近州

縣有礙鹽政應令地方官查明戶口約計食用鹽斤配定引張凡一邨一莊設立散商承領引目赴產鹽州縣運鹽於各邨莊之中自開設鹽鋪行銷令民買食但領引完稅必須專人董率查鹽法條例開載各鹽運司設有總催庶照例於散商之中每年輪流立總催一名按限催納引稅按季分發引目與衝繁之各州縣招商分引鹽政無不畫一再令該州縣衛照例於各隘口多設巡役查拏如遇私販立即擒獲送官究治是該州縣衛行鹽納稅各有責成既無淡食之虞亦無私販之弊於偏僻州縣似有裨益至奉查應增引目以及各隘口

設立巡役稽查各州縣均有考成之處令逐一
議等因查各州縣應增引日向因未查戶口難定
增數至州縣私販向因未設隘口以致漫無稽查
合令各屬查報戶口及隘口到日核定應增引目
應設巡役確數造冊另行詳請題報至各州縣考
成既經分引行鹽之後倘官引壅滯課稅未完以
及招商遲延私販發覺均有定例應請仍照定例
處分再甯遠一府係新設府治查所屬之西昌縣
會理州冕甯縣鹽源縣越嶲廳德昌所逃易所鹽
中左所俱食鹽源縣之鹽今查鹽源縣之鹽但銷
陸引四百張尚有餘鹽自應查明鹽斤請增引目

行銷但查該府所屬之八處地方均屬漢番雜處
自來引稅俱向買鹽人民抽收稅銀完納應將引
目交與鹽源縣令該縣典史駐劄白鹽井地方仍
於各屬居民買鹽時抽收稅銀則民不難於完納
官亦易於辦課似爲妥便又川省行鹽有例行黔
省之貴陽安順平越都勻思南石阡大定威甯并
改隸黔省之遵義滇省之鎮雄烏蒙等十一府州
縣及川省之酉陽石碚明正木坪瓦寺金川阿口
雜谷九姓司等土司并新改設立黃螂雷波等處
發賣者從前引目并未帶往各省及土司等處地
方因途遙路險商人不能前進皆係沿邊州縣截

角掛驗聽彼處商人轉運該地方截角州縣換給
照票以爲前途盤驗之據但地方官截引換照或
有不肖有司營私舞弊恐滋私販今於此案俟各
屬造報戶口至日彙造川省應食鹽斤確數再將
應行滇黔及各土司鹽斤核定水陸引張確數刊
設雙聯引根引紙鈐蓋鹽道印信分發沿邊州縣
俟商人運鹽到日該州縣照部引字號張數填註
引根引紙於中縫大書運鹽斤數以引紙截給鹽
商以備前途盤驗照例截角放行其引根由該州
縣同已截角部引申齎鹽道查核繳銷以杜影射
并填多報少之弊 曹源邠劉應鼎詳略查川省

產鹽州縣三十有四銷鹽州縣土司六十有四邇
年生齒日繁流寓輳集大州縣增至數萬戶偏僻
州縣亦有萬千餘戶而各屬每年鹽引不過百餘
張或十餘張更有經年一引不銷者總由地方官
因循積習一任奸民私買私賣竟置

國賦不問本道蒞任後雖報增水陸二引五千六百
餘張究竟未增之處甚多應請通飭各地方官清
查戶口計口授鹽合算每年可以食鹽若干斤可
銷水陸引若干張據實造冊申報請增并令產鹽
各州縣招商領引註明銷鹽地方口岸按引行銷
飭銷鹽州縣將每年應銷引鹽數目移明產鹽地

方官以便互相稽查 又通飭查川省鹽政向無
一定章程本道蒞任後卽飭行該產鹽州縣衛所
清查井竈產鹽實在數目配引行銷井令銷鹽地
方各官查明戶口之多寡計口授鹽定額銷引以
期私販斂迹官引疏通邇來雖據德陽梓潼遂甯
蘆山興文安縣雅州什邡巫山等屬量戶議引詳
覆其餘各州縣不過草率塞責虛應故事究未將
鹽政實在利弊逐細詳覆查各屬戶口之多寡計
口授鹽雖各州縣不肯據實開報猶有藩司之冊
籍可查若該州縣不實力奉行定行揭雍正七年

謹按疏中酆都一井今坍建武廳今改汛屬敘

永廳保縣嘉慶六年廢入雜谷廳建始縣乾隆
元年改隸湖北酉陽土司當時爲酉陽邑梅平
茶地壩石耶五土司土民向食郁山鎮鹽與九
姓石碓等土司皆載入邊引照驗是年尋以五
土司地改爲酉陽一州秀山一縣始招商認引
石碓土司則乾隆五十四年始改設同知一律
認引憲德疏中所云各屬查報戶口到日核定
應增引目另行題報今檢此疏未得惟核定某
廳州縣食某廠鹽計若干引詳數錄附配引表
後觀曹源邠通飭僅據十餘州縣報到云云於
此見當日始事之難

先是四川額引歲計水引一萬一千一百六十六道
陸引六萬一千二百九十二道雍正九年憲德爲按
戶計配奏請歲增水引一千一百三十九道陸引二
萬八千五百一十九道并松潘平武江油石泉汶川
名山蘆山各沿邊州縣與僻遠之建始縣松潘衛均
俟查明戶口一律配引事下戶部議如所請四川計
引自是定

憲德黃廷桂奏略查川省之簡州等三十九州縣
又蓬溪鹽井改歸遂甯一縣共產鹽四十州縣凡
井六千一百一十六眼每歲共產鹽九千二百二
十七萬七千八百四十斤內除每一百斤加耗鹽

一十五斤共該耗鹽一千二百三萬六千二百四十斤不配鹽引外實正鹽八千二十四萬一千六百斤應配水陸引張分行不產鹽之成都華陽等縣與產鹽之簡州等廳州縣衛所共一百三十八處應分水引四千三百四十九張陸引五萬九千八百七十三張又分行沿邊廳州縣衛所運滇黔二省府州及川省各土司應分水引六千八百一十七張陸引一千一百五十六張以上共該水引一萬一千一百六十六張陸引六萬一千二十九張每水引一張徵稅銀三兩四錢五釐陸引一張徵稅銀二錢七分二釐四毫除雍正八年現行原

額水引一萬二十七張陸引三萬二千五百一十張共該原額稅銀四萬二千九百九十七兩六錢五分九釐仍令分引行鹽外應請增水引一千一百三十九張陸引二萬八千五百一十九張共該新增稅銀一萬一千六百四十六兩八錢七分零於雍正九年爲始通行一例分引行鹽其權課徵稅銷引照例定爲各廳州縣衛所考成 戶部議略查雍正七年八月內據該撫憲德疏稱川省簡州等三十九州縣均係產鹽州縣將原行水陸引目分行各州縣招商行銷如將引目分行各處該州縣無引行銷應計戶口另增引目倘地方出產

鹽斤不敷民食仍應分認別州縣官引以資食用等因臣部覆准行文在案今據該撫憲德將川省原額新增引目分晰具題應如所請除雍正八年現行原額水引一萬二千七張陸引三萬二千五百一十張該稅銀四萬二千九百九十七兩六錢五分九釐照舊行銷造報外新增水引一千一百三十九張陸引二萬八千五百一十九張臣部照數刷印俟該撫憲德差役來領之日給發領回行令該撫於雍正九年爲始分行各州縣一例行運其新增稅銀一萬一千六百四十六兩八錢七分零亦於雍正九年起按年照數徵收造冊奏銷至

權課徵稅銷引照例分定爲分行之各廳州縣衙
所考成於奏銷之時查明完欠造冊題繳又稱成
都府屬之松潘衛龍安府屬之平武江油石泉等
縣茂州所屬之汶川縣俱係沿邊與瓦寺金川等
土司相近又雅州府屬之名山蘆山等州縣亦係
沿邊與木坪明正等土司相近向未招商領引行
鹽應俟分別之後飭令各州縣查明各土司應食
鹽斤應行引日各若干酌請增引運至各州縣照
例截角引紙轉運以資土民食用等語應令該撫
憲德飭令各州縣查明各處每年應食鹽斤酌定
引日題請增給各州縣仍照例截給引紙轉運行

銷完日同部引申繳解部查銷又稱僻遠之建始縣松潘衛前議設立散商今據該縣衛報到商民應各聽招商行運又鄂都向係蓬溪流商行運梁山新甯向係雲陽竈商行運據各該縣申報無商承認應照例各令該散商總催以司分別完稅等語查建始縣松潘衛前據該撫憲德以或地處遙遠或治設山僻路途崎嶇人民散處招商不易因而鹽價高昂貪利奸徒乘機與販令地方官查明戶口計食鹽配引一村一莊設立散商領引運銷但領引完稅需人董率應於散商之中每年輪流立總催一名領引徵稅分發引目等因覆准行文

在案今建始縣松潘衛既有報到商民應飭該商等上緊行鹽辦課其鄆都梁山新甯等縣亦照例設立散商總催以司分別完稅仍將招商人姓名造冊送部查核又稱蓬溪縣鹽井內有遂甯縣界內歸併井眼令應仍歸遂甯縣管嘉定犍爲各界內亦有彼此撓越井眼應令照界清理以便輸將另題更定等語應令該撫憲德將蓬溪縣鹽井逐一確查照界清理具題可也

雍正九年

舊制行鹽各省皆有定價報部所以抑居奇防病民也四川自定岸後因地配引無甚貴之鹽亦無一定之價乾隆三十一年戶部以爲問總督阿爾泰咨覆

以近廠州縣大率斤六七釐至一分一二釐遠廠者至一分三四釐邊地至一分五六釐而止州縣例月摺報省未嘗達部請仍之

戶部則例載四川鹽價隨時長落並無定價

戶部咨略各州縣銷賣鹽斤有無奏定成價抑或隨時長落查明報部 阿爾泰咨略查得川省鹽

價向未報部自雍正九年計口授鹽招商轉運之後經前道曹源邠通飭各屬查明運費按其成本酌中定價止令按月具摺報明以備查考在案迨乾隆二年原任鑿儀使黃廷桂條奏羨餘一案經前司道議詳內稱川省鹽價其產鹽並離廠甚近州縣每斤賣六七釐至一分一二釐離廠遠者則

賣一分三四釐惟沿邊不通舟楫馱運維艱之處有至一分五六釐不等已經官定商民稱便等情詳由川撫碩色具題奉准部覆將川省鹽價飭令各商遵照舊例銷賣以便民食等因是向原未有定價值嗣於乾隆十四年八月內前督策楞通行飭查事案內經積前道飭行各屬查覆有與原報價值相符及與原報稍減稍增情由分晰造冊詳報會同布政司確議隨於乾隆十五年五月內經許前道會同宋藩司議覆以川省鹽斤原就各地方情形酌中定價未經報部緣從前經官定擬時俱係因地制宜大約通水運者其價廉由陸路

馱運者價稍貴柴草賤時其價輕柴米貴時價稍長卽在一州一邑之中亦間有不能盡一者然相去不過釐數究亦爲數無多頻年以來遵照舊例飭令各屬將鹽價按月摺報以備稽查不許昂價病民亦不得過抑累商商民交易俱各相安是川省銷賣鹽斤歷係隨時長落並未有奏定成價

乾隆

三十
一年

本省計岸行鹽截驗道里表

銷岸皆設雍正九年所屬原

就近買食餘鹽不盡者仍行本地者不載其敘灰皆就銷岸多寡相附以免虛估行幅不能照原次也

廠樂山

驢為

射洪

截樂山縣

四望關

青隄渡

十五里第一角

牛華谿

上河

康家渡

三十五里第二角

魁為縣

下河

梓潼鎮

二百十五里第三角

驗牛華谿大使

牛華谿

同

正陽關

石佛關

四望關

縣門關

行 雙流

三百四十里

成都

三百六十里

成都

陸華陽同 三百一十里

銷 溫江

三百八十里

雙流

二百九十里

郫縣

陸華陽同 三百五十五里

崇慶

三百六十里

溫江

三百六十里

崇甯

陸 四百里

新津

二百九十里

新繁

四百六十里

漢州

陸 二百八十里

長甯

六百五十里

新都

四百四十里

什邡

陸 三百二十里

雅安

三百四十里

郫縣

四百四十里

江北

水 一千二百里

名山

五百二十里

灌縣

三百九十里

巴縣

水 一千二百里

榮經

四百六十里

彭縣

四百七十里

長壽

水 一千三百里

蘆山

四百四十里

崇慶

三百五十里

璧山

水 一千三百里

天全

四百四十里

新津

二百八十里

碁江

水 一千三百里

清溪

四百六十里

巴縣

九百八十里

南川

水 一千四百里

我邊

三百四十里

江北

九百八十里

合州

水 一千里

我眉

一百里

長壽

一千又六十里

涪州

水 一千六百里

洪雅

二百二十里

壁山

一千二百里

廣安

水一千四百里

夾江

一百里

南川

水一千二百五十里

鄰水

水一千三百里

眉州

一百七十里

定遠

水一千三百五十里

德陽

陸二百三十里

彭山

二百三十里

涪州

水一千四百三十里

綿竹

陸三百里

丹稜

四百四十里

廣安

水一千六百里

羅江

陸二百八十里

青神

一百一十里

大竹

水一千九百三十里

鄆都

水一千八百里

邛州

二百八十里

鄰水

水一千七百六十里

墊江

水一千六百里

大邑

三百六十里

宜賓

水三百六十里

達縣

水二千里

蒲江

三百九十里

慶符

水四百四十里

太平

水一千九百里

南溪

水四百二十里

長甯

水八百二十里

高縣

水五百四十里

筠連

水八百三十里

興文 七百八十里

屏山 二百六十里

雅安 三百里

名山 二百九十里

榮經 四百里

蘆山 三百八十里

天全 三百八十里

清溪 五百里

峩邊 三百五十里

洪雅 一百六十里

敘永 八百六十里

永甯 八百六十里

雷波 七百二十里

石碇

十一千六百四

仁壽

二百九十里

酉陽

二千一百八

秀山

二千一百八

黔江

二千一百八

彭水

二千一百八

忠州

一千五百六

豐都

一千一百八

墊江

一千七百四

達縣

二千一百八

眉州

一百七十里

彭山

二百一十里

邛州

三百三十里

廠南部

截新鎮壩縣丞

九十里

驗新鎮壩縣丞

蓬州舟口

二百一
十里般

查挂
號

三臺

大邑 三百四十里
蒲江 三百一十里
納谿 七百八十里
江安 七百二十里

蓬溪

康家渡鹽大使

二百

里第
一角

梓潼鎮 第二角

天福鎮 十五里

梓潼鎮 一百八十
里

重慶府經歷 九
百

里

銷行

閬中

水七十一里
陸一百九十里

蒼溪

水七十一里
陸一百九十里

廣元

水七百九十里
陸三百八十里

昭化

水六百二十里
陸三百八十里

巴州

水二百四十里
陸二百七十里

南江

水二百二十里
陸二百七十里

劍州

水三百六十里
陸二百九十里

南充

水二百九十里
陸二百九十里

新繁

水四百四十里
陸四百四十里

新都

水四百一十里
陸四百六十里

郫縣

水四百六十里
陸四百六十里

崇甯

水四百六十里
陸四百六十里

灌縣

水四百一十里
陸四百一十里

彭縣

水四百一十里
陸四百一十里

漢州

水三百二十里
陸三百二十里

什邡

水三百七十里
陸三百七十里

巴縣

水三百七十里
陸三百七十里

江北

水三百七十里
陸三百七十里

壁山

水三百七十里
陸三百七十里

綦江

水三百七十里
陸三百七十里

劍州

水三百七十里
陸三百七十里

江北

水一千一百八里
陸一千一百八里

巴縣

水一千一百八里
陸一千一百八里

長壽

水一千三百六里
陸一千三百六里

壁山

水一千二百八里
陸一千二百八里

綦江

水一千二百八里
陸一千二百八里

合州

水九百八十里
陸九百八十里

銅梁

水一千一百里
陸一千一百里

定遠

水一千一百里
陸一千一百里

廣安

水一千三百里
陸一千三百里

岳池

水一千二百里
陸一千二百里

一里二里三里四里五里六里七里八里九里十里

蓬州

水陸一百一十里

平武

水陸四百八十里

江油

水陸二百九十里

營山

水陸二百五十五里

松潘

水陸七百二十里

德陽

水陸一百九十里

儀隴

水陸一百八十五里

綿州

水陸一百四十里

渠縣

水陸三百七十里

綿竹

水陸三百二十里

大竹

水陸四百六十五里

梓潼

水陸二百六十里

平武

水陸八百三十五里

羅江

水陸二百四十里

達縣

水陸四百六十五里

東鄉

水陸一千九百八十五里

太平

水陸五百六十里

忠州

水陸一千八百九十五里

廠簡州

富順

雲陽

截石橋井州判

鹽關 截左上一角

本廠鹽大使

二百八十里

鄰水

水陸一千二百八十里

遂甯

水陸九百二十五里

豐都

水陸一千七百八十五里

墊江

水陸一千五百八十五里

東鄉

水陸一千九百八十五里

銷行驗

同

成都

華陽同 一百二十里

雙流

一百六十里

溫江

一百七十里

金堂

一百七十里

郫縣

一百七十里

灌縣

二百四十里

資陽

一百里

同

巴縣

六百又五里

江北

六百一十五里

江津

五百三十五里

永川

四百又五里

璧山

五百八十五里

榮昌

二百八十五里

綦江

七百三十五里

重慶府

經歷 截右一角

瀘州

截右上一角 截左下一角

鄧井關縣丞

水四里

雲陽縣

三十里

奉節

一百八十里

巫山

三百六十里

萬縣

一百八十里

開縣

一百八十里

石柱

五百一十里

達縣

四百四十里

東鄉

四百四十里

汶川 三百九十里
理番 五百里

涪州 九百六十五里

隆昌 一百八十五里

敘永 五百七十五里

永甯 五百七十五里

瀘州 二百七十五里

納谿 三百一十五里

合江 四百又五里

資州 一百五十五里
以上皆陸路

廠仁壽

井研

綿州

驗截

同 千佛寺 二十里

新甯 三百二十五里

行宜賓 五百里

銷南溪 六百二十里

琪縣 六百八十里

筠連 七百八十里

興文 七百二十里

溫江 水五百餘里
陸三百四十里

崇慶 陸三百四十里

灌縣 水六百餘里
陸四百六十里

新津 水四百餘里
陸二百七十里

慶符 陸五百二十里

丹稜 二百六十里

什邡 四百里

茂州 七百六十里

平武 四百餘里

江油 一百六十里

石泉 二百四十里

彰明 陸一百二十五里

茂州 五百六十里

安縣 一百三十里

綿竹 一百八十里

羅江 九十里

廠西充

榮縣

中江

截

本廠縣丞

行

本廠

德陽 二百七十里

銷

宜賓 二百四十里

漢州 三百里

營山 二百四十里

威遠 七十里

什邡 三百三十里

岳池 二百五十里

內江 一百二十五里

羅江 二百七十里

大竹 七百二十里

金堂 一百五十里

廠鹽亭

樂至

資州

截

州判

驗

大關 二里即碑記
坎鑿資陽引

行彰明
銷太平

廠大甯

截本廠大使

驗大甯縣三十里

行巫山二百一十里

銷

榮昌二百八十里
大足二百八十里

彭水

彭水縣

彭水縣

黔江一百八十里

酉陽三百六十里

秀山四百五十里

小關二里 驗仁壽
茯苓坡三里 驗本
仁壽一百三十里
資陽一百二十里

鹽源

西昌三百里

冕甯三百八十里

會理五百八十里

越嶲五百里

廠江安

截

驗

行敘永

納谿

三百八十里

銷

四川鹽法志卷八

轉運三

湖北八州縣計岸

湖北在明行省食鹽據明會典隆慶二年議准湖廣
荊州府屬民人買食川鹽

國朝以來皆食淮鹽自八州縣改食川鹽尤嚴荊州等
處川私之禁八州縣中建始縣初隸夔州府故食川
鹽乾隆元年改隸湖北施南府湖廣總督邁柱奏請
從民便仍就近食雲陽鹽事下戶部議令兩江總督
趙宏恩兩淮鹽政尹會一續任湖廣總督史貽直等
會議皆以爲食川鹽便自是請以建始縣爲經徵施

南府爲督徵部議從之

部覆見會典事例

邁柱奏略建始縣向銷雲陽縣鹽引地近價廉今若改食淮鹽居民未便應將額銷雲陽水引九十張改頒楚省聽該縣赴該管衙門請頒給鹽商仍舊在於雲陽縣支鹽每年應徵稅羨課銀三百七十餘兩歸楚完納深爲民便 史貽直等奏略四川建始縣改隸湖北民間所有食鹽似應查照湖北之例改銷淮南引鹽惟是相距漢鎮水陸二千餘里計算淮南來本及水商腳價每鹽一觔價銀六七分不等而建邑離雲陽鹽場地近價廉應請照舊行銷川鹽實爲兩便至額銷水引九十三

張改領湖北驛鹽道衙門令建始縣領給鹽商在
於雲陽縣掣鹽行銷額徵稅羨課銀亦由該縣徵
解湖北驛鹽道衙門轉解藩庫充餉照例以建始
爲經徵施南府爲督徵

乾隆元年

明年貽直復以湖北改土歸流之鶴峰州長樂恩施
宣恩來鳳咸豐利川等縣以苗疆故向食雲陽各廠
餘鹽無官引今盡歸流又近川淮鹽道遠價倍民弗
便奏請仍照建始縣例同食川鹽事下戶部議請仍
下兩江總督慶復兩淮鹽政三保湖北巡撫張楷四
川巡撫碩色等密議以聞旋會奏請以長樂恩施宣
恩鶴峰就近食雲陽鹽來鳳咸豐食彭水鹽利川食

萬縣鹽鹽課納於四川報銷碩色則請以鶴峰州長樂縣改食大甯鹽餘如議領引納稅就近由雲安廠同知領其事惟利川一縣近酉陽卽以酉陽州知州領之又慮川私越境則置宜昌通判司巡緝焉

史貽直奏略鹽勦一項爲閭閻日用所必需惟在因地制宜庶幾商民兩便矧新疆規制初定土民向化抒誠尤宜循其俗之所安以期永久無弊臣查湖北改土歸流之鶴峰長樂恩施宣恩來鳳咸豐利川等七州縣俱係新設地方向來民人因與川省接壤均在雲陽等鹽廠交易零鹽以資食用從未派銷官引今旣分設州縣土民戶口盡入版

圖自應查照通省之例行銷淮鹽以昭畫一惟是地處楚北極邊自漢運至此水陸二千餘里中間宜昌以上悉屬險灘由巴東進山悉屬旱道人夫輓運腳費浩繁合算成本每觔計得七八分以至一錢不等而雲陽等處鹽場每觔不過二分以淮鹽價值比較幾增三四倍有餘一經派銷淮鹽無論商人不肯拋棄重貨運赴不能行銷之地卽或勉力運赴竊恐土民人等亦必不肯捨賤買貴夫官引旣難運銷私鹽卽難禁止與其設引之後滋生弊端毋甯未事之先詳加籌酌况此數州縣至巴東一帶地方山路崎嶇地勢懸絕決無販私之

人逾越重嶺致侵兩淮綱地而現在行銷川引之
建始縣又與新設各屬界址毗連尤難分晰所有
鶴峰長樂恩施宣恩來鳳咸豐利川等七州縣民
間食鹽應請一例派銷川引并招募商人在於就
近之雲陽彭水萬縣等鹽場掣銷實爲妥便如蒙
俞允查鶴峰長樂二州縣按照戶口派銷陸引二百八
十張應徵正耗等銀九十一兩零恩施宣恩來鳳
咸豐利川五縣按照戶口派銷水陸引共九百五
十張應徵正耗等銀四百三十六兩零以上各州
縣將來招徠勸墾戶口漸多當隨時酌量加增引
張以資民用其一應事理均照建始縣之例辦理

再鶴峰州向有新撥大崖關外地畝其各村莊應
需引鹽俟勘明定界後查照戶口加添 碩色奏
略查施南府鶴峰等七州縣共應行銷水引三十
四張陸引一千一百九十六張川引成例每水引
一張載正耗鹽五千七百五十觔每陸引一張載
正耗鹽四百六十觔合計鶴峰等七州縣水陸二
引共一千二百三十張共需正耗鹽七十四萬五
千六百六十觔茲除萬縣之長灘七井并無餘鹽
外查據雲陽縣報有餘鹽四十六萬餘觔彭水縣
報有餘鹽一十二萬一千九百觔二共抵鹽五十
八萬一千九百餘觔以之撥配額引尙不敷鹽一

十六萬三千七百餘觔再四熟籌非通融酌撥無以足彼地之民食查夔州府屬之大甯縣在巫山之北可通舟楫曾於請廣額煎等事案內報有增煎餘鹽可二十萬觔現在無地行銷按鶴峰等處至大甯縣程途迤近與抵雲邑相同合撥甯邑之鹽庶獲引鹽足額茲擬以恩施縣應銷水引三十四張宣恩縣陸引一百八十六張來鳳縣陸引二百零九張咸豐縣陸引二百二十二張共水陸引六百五十一張應請配銷雲安廠井鹽鶴峰長樂二州縣共計陸引二百八十張應請配銷大甯井鹽利川縣陸引二百二十九張應請配銷彭水縣

井鹽再各該縣所報餘鹽與擬配引目稍有不敷應令各該竈戶加工增煎便可足額無悞其行鹽商人悉令楚省各該州縣自行招募殷實之人充當承領引張至註定產鹽場面配鹽運銷稅羨等銀亦令各該行鹽地方官按則徵解以專責成又查先隸夔屬改歸楚之建始縣所銷川引近奉准部咨令將稅羨等項仍解川省報銷遵照在案今鶴峰等州縣新增引目所徵稅羨紙腳等項仍應同建始一例解川報銷其應需引張亦應俟行鹽各州縣募有殷實商人報銷川引題頒給發再查鶴峰等州縣相距川省會城程途寫遠若令解銀

領引徑至省城未免苦累查雲安廠現設有專司
鹽務同知一員應請將鶴長恩宣來咸六州縣領
引解稅等項俱就近赴該同知衙門請領解納令
該同知領給轉解利川縣領引解稅亦應令就近
酉陽州衙門領納庶異省書差得無遠涉之累倘
蒙

俞允則建始縣引稅等項亦改照此辦理倘有無引私
鹽攙越混賣已入楚境者應令楚省地方官查拏
就楚省歸結 慶復三保張楷奏略查鶴峰州附
近川省雲陽縣應銷雲邑陸引一百八十八張每
年額徵正稅銀五十一兩二錢一分一釐二毫截

角耗羨銀九兩二分四釐紙硃腳力銀一兩三錢一分六釐共銀六十一兩五錢五分一釐二毫長樂縣附近川省雲陽縣應銷雲邑陸引九十二張每年額徵正稅銀二十五兩六分八毫截角耗羨銀四兩四錢一分六釐紙硃腳力銀六錢四分四釐共銀三十兩一錢二分八毫恩施縣附近川省雲陽縣應銷雲邑水引三十四張每年額徵正稅銀一百一十五兩七錢七分截角耗羨銀二十兩四錢紙硃腳力銀二錢三分八釐共銀一百三十六兩四錢八釐宣恩縣附近川省雲陽縣應銷雲邑陸引一百八十六張每年額徵正稅銀五十兩

六錢六分六釐四毫截角耗羨銀八兩九錢二分
八釐紙硃腳力銀一兩三錢二釐共銀六十兩八
錢九分六釐四毫來鳳縣附近川省彭水縣應銷
彭邑陸引二百九張每年額徵正稅銀五十六兩
九錢三分一釐六毫截角耗羨銀十兩三分二釐
紙硃腳力銀一兩四錢六分三釐共銀六十八兩
四錢二分六釐六毫咸豐縣附近川省彭水縣應
銷彭邑陸引二百二十二張每年額徵正稅銀六
十兩四錢七分二釐八毫截角耗羨銀十兩六錢
五分六釐紙硃腳力銀一兩五錢五分四釐共銀
七十二兩六錢八分二釐八毫同川縣附近川省

萬縣應銷萬邑陸引二百九十九張每年額徵正稅銀八十一兩四錢四分七釐六毫截角耗羨銀一十四兩三錢五分二釐紙硃腳力銀二兩九分三釐共銀九十七兩八錢九分二釐六毫以上七州縣應就近買食川鹽其水陸引張請自乾隆三年爲始派銷川引照建始縣之例引頒川省令該七州縣各募殷實商人在於就近各鹽場領引掣鹽運銷課額卽赴川省完納府州縣銷引督催考成俱歸川省考核奏報庶新疆規畫得宜商民兩俱裨益至奉查界限不使川私蔓延之處查川私之透越淮鹽綱地水路巴東是其咽喉歸州東湖

又爲門戶現在設立通判一員專司巡緝并立總卡董率其事業已界限井然稽查嚴密若夫陸路皆係鳥道羊腸背負無幾川鹽縱欲透漏無利可覓惟於東湖縣平善壩中水門外二處嚴飭卡商加謹防緝并飭沿途州縣地方文武各官不時查拏自無川私蔓延侵透淮綱之虞再宜昌府鶴峰州大崖關外丁口俟查明會勘定界後另行奏咨辦理

乾隆二年

又查明大崖關外丁口每日日食鹽

三錢每年共需陸引三十一張應徵正稅銀八兩

四錢四分四釐四毫截角耗羨銀一兩四錢八分

八釐紙硃腳力銀二錢一分七釐三毫通共應徵

銀一十兩一錢四分九釐七毫同州屬一例在雲

陽縣領引掣鹽運銷

乾隆四年

謹按建始縣舊隸四川領引解稅徑達鹽道署
與七州縣異雲安厰同知於乾隆二十二年移
駐改設石碛廳同知七州縣領解移歸夔州府
通判并利川一律管理惟建始縣仍舊例乾隆
三十年以道遠課遲始併歸夔州通判未幾又
以來鳳咸豐二縣近酉陽改歸酉陽州嘉慶八
九年施南府數請以恩施利川建始領繳引課
悉歸各地方官數駁詰卒不果又大巖關先屬
湖南慈利縣并山羊隘距縣遠通容美司河道

設鶴峰州後續請將大巖關外慈利所轄近關

五十里地撥屬州

自是大率夔州府通判如督催八州縣如經徵嘉慶十三年湖廣總督汪志伊以八州縣引率繳川引鹽相離地方官未由查驗而奏銷考成則仍查取八州縣職名議未允請領引納課歸夔州通判繳引於八州縣以夔州通判爲經徵而八州縣爲督催四川總督勒保議覆以夔州通判本爲督催不應改惟繳引於八州縣如議

汪志伊咨略據湖北鹽法道秦維嶽詳查建始一縣改隸楚省仍食川鹽其額銷引課原議改歸湖

北鹽道部議以該縣雖歸楚轄而行銷之鹽係在川省掣支仍令將鹽引課稅等項歸入川省奏銷案內報部嗣該府屬之恩施宣恩來鳳咸豐利川等縣并宜昌府屬之鶴峰州長樂縣由苗疆改土歸流於乾隆三年奏奉部覆議准均食川鹽飭令該州縣各募殷實商人在於就近各鹽廠照例領引掣鹽運銷其課額卽赴川省完納府州縣銷引督催考成俱歸川省考核奏報以專責成惟是原定部案本令該州縣招商配運無如該州縣均屬地瘠民貧並無殷實可募其所募者皆籍隸川省之人誠如川省來咨卽使引發該州縣而隔省傳

喫催徵難免呼應不靈且楚省徵稅又須解交川省亦覺往返跋涉多有未便職道前因疊據該府具詳以各屬商人均圖便在就近督催之通判等衙門領引繳課不將引鹽運赴本岸行銷而奏銷考成則仍取地方官職名冊籍於名實似有未符查得楚省行銷淮鹽例由揚商就近在兩淮運司衙門領引納課配鹽運楚銷售其引卽隨鹽到岸分繳北南鹽道衙門謂之進引於奏銷截角造冊彙解兩淮院憲統發運司衙門造報送部故淮鹽行楚兩淮膺經徵之任而楚省任督銷之責各專責成是以課無遲悞而岸不缺鹽立法最善今楚

省恩施等八州縣引商均隸川省其鹽場均在川地應請仿照淮鹽行銷兩湖之例明定章程永聽各州縣引商就近在夔州通判西陽州兩衙門領引納課赴廠掣鹽運赴各本岸行銷其所領引張卽隨鹽到岸呈地方官驗收於奏銷時裁角造冊賫報夔州通判西陽州轉解川鹽道彙核詳請題報其經徵課稅考成卽歸於夔州通判西陽州而督銷額引考成則歸於食鹽地方官至於所配之鹽夔州通判等分司督催出境應將出境日期飛移楚省入境首站查照楚省首站一接移會卽差撥兵役查驗押催赴岸并各將出入境汛日期通

報兩省各上司查考倘在川省有透漏之弊則惟督催之員是問倘在楚省透漏則惟楚省地方官是問 勒保咨略據四川鹽茶道梁敦懷詳查咸豐來鳳二縣以酉陽州爲督催建始等六州縣以夔州通判爲督催其招商繳課繳引例由各該州縣辦理其中因所招多係川商隔省領引繳課商人多有未便向來有由夔州通判酉陽州衙門領繳者原因楚省州縣較遠該牧倅本有督催之責是以代爲經理其實遲延處分向歸楚省州縣開送歷有舊章本年職道議覆楚省來咨因湖廣八州縣往往因繳課繳引遲延查取職名動輒以商

非土著推諉兼之鶴峰長樂兩州縣引張先招川
商辦理楚商以爲借引行私有礙淮綱經前任姚
道請由楚省招募及至楚省招募淮商張立達數
年之久屢催并不來川領引配鹽以致課引久懸
嘉慶十一年始據張立達在楚辭退仍咨川招商
辦理川商又以口岸未定無人應募課懸引積有
礙鹽政是以職道前議請將楚省八州縣引課撥
歸楚省自行招商來川配運今楚省來議又恐有
干部駁并稱該州縣地瘠民貧并無殷實可募只
可仍令川商辦理等因惟查夔州府通判本係督
催之員從前該商等就近領引納課交引原係代

楚省經理卽如川省州縣中亦有本處引張改配別處者其議敘議處仍開本地方官職名定例如此與兩淮情形原不相同不能援照兩淮之例應仍照舊定章程辦理所有來鳳咸豐二縣及宣恩建始恩施利川四縣向由酉陽州夔州通判督催衙門領引繳課歷年已久均無貽悞自應仍照舊章辦理毋庸咨部更改致干駁詰應令督催之牧倅於商人領引配鹽起運之時移行原定各縣并沿途州縣認真稽查如有借引販私之弊卽行查拏按律究辦至各商應繳殘引現據楚省來議請歸運到州縣呈繳自應遵照辦理俾運到鹽餉楚

省得有稽考尤爲周密

嘉慶十三年

既鹽商往往以灘險道阻慮失引且得罪輒就夔州府通判乞繳建始縣仍以引不隨鹽官私無據請於四川於是嘉慶二十四年總督蔣攸銛議發印票於通判令商人繳引換票票繳於八州縣據以稽察如黔邊引例

蔣攸銛咨略據鹽茶道奇成額詳查湖北建始鶴峰長樂思施宣恩利川六州縣例食川鹽其領繳引張應完課稅等項向均由夔州府通判督催解繳迄今數十餘年辦理并無違悞惟前任道梁敦懷曾於嘉慶十三年奉准楚省行咨引隨鹽運赴

行銷地方官衙門繳驗當經札行夔州府通判飭商照辦雖與鹽不離引之條相符實與原定部案不甚吻合維時該商等運鹽抵夔總以川河灘險或山路崎嶇恐有疏虞不能按引挽運等語疊次呈懇經歷任夔州府通判仍准其就近呈繳在各該員固屬俯順商情實則係遵照舊章辦理而楚省得有十三年咨准之議遂爲口實今建始縣來詳云川鹽盡屬背負赴楚鹽引既離官私難辨請飭商人引隨鹽運由該縣驗截申繳等語係爲稽查引鹽起見若准其所請該商等勢必借詞冒險畏縮不前若不詳立章程該州縣又覺無從稽

查職道思維再四惟有仿照川省行黔邊引於每
年給發引張時另給引根引紙章程飭令夔州府
通判於領引時由道按引發給印票其鹽斤包數
悉照水陸鹽引之例分別由夔州府通判衙門填
明細數俟商人持引赴廠運鹽抵關卽一面照舊
點驗收引一面換給前項印票責令該商等隨鹽
運赴食鹽地方投驗該縣卽將印票截角按年彙
齊徑賚職道衙門查銷庶該州縣得以按票稽查
不致借口官私混淆瀆請不已而該商等亦不能
以持引冒險爲詞越境攙塞庶爲變通之一法

嘉慶

二十
四年

初招商例由入州縣既以地無殷商大率川商運行及引課遲繳川詢之楚楚委之商川楚交誣而鶴峰長樂鹽尤易侵淮綱則議由楚自募徽商又往往賫匱中輟道光十三年湖廣總督林則徐兩江總督陶澍始改由湖北委員駐巴東萬戶沱用官帑專運鶴峰長樂引鹽委員安樹森復以健鹽味美便私請專配大甯先是歸州巴東興山長陽例食淮鹽自乾隆元年湖廣總督史貽直奏淮鹽偶乏許四州縣民赴萬戶沱市餘鹽濟食不得過十斤至是樹森以川鹽至沱輒假鶴峰長樂名私行歸州巴東興山長陽宜并購食餘鹽例禁止設卡於漁洋關野花平察驗則

徐弗允

陶澍咨略據兩淮運司詳查鶴長二州縣行銷川省引鹽向係川商辦運因川商借引販私侵越淮綱於乾隆五十四年由楚改募徽商代辦往往一二年間卽行稟歇屢次更換從未能久緣承充之人多係空手應募惟賴岸商按年撥給幫費將就敷衍旋卽以資本虧折希冀多幫岸商如未能遂其所求輒借詞稟退積習相沿如同一轍其實在身故殷實者斷不肯遠赴川省辦運卽使有人願往以自己之資本行川省之引鹽必以多銷爲貴亦未必甘爲淮商通岸作保固藩籬之計此鹽道

所稱以切己之人辦切己之事自知痛癢相關恐非所望於惟利是視之人署司再四思維惟有委員前往確查情形從長計議如果行運川鹽需費無多卽由委員暫行辦理并查該二州縣每年合行引張若干應完額稅若干自何處運鹽到岸約需鹽價水腳若干每年實能銷鹽若干設立各處卡巡每年需費若干通盤籌畫分晰開具細摺稟送察核一面由楚岸先行撥給銀二千兩暫時運辦川鹽以免該省借口 又咨略據兩淮鹽運司詳據委員安樹森稟稱查自巴東至健爲鹽廠三千二百餘里其間險灘疊出向來商運自廠所以

及沿途節次須安人照料至重慶尙須更換橈夫
水手經過數十處險灘又須另顧灘師淹消之處
仍所不免而商運必欲赴犍爲請運者鹽包最高
秤斤較大加耗亦重沿途起撥回攬零收漫無覺
察竟有成船滿載來楚之事雲陽廠鹽包最黑本
不合銷路從廠運鹽三十里旱路起夫亦屬費事
出江下船距巴東七百里前商因費大無利從不
往辦只每年照數納課或在巫山一帶有等包手
代銷代納已成慣常鶴長二岸旣不能如額行銷
而川私又借此百弊叢生應請將犍爲雲陽兩廠
額行引張暫行停止只辦下年大甯額行鶴峰水

引一百八十一張陸引三百十九張大甯額行長
樂水引四十九張陸引九十二張共鹽一萬三千
一百四十四包應納稅課每包銀六分八釐一毫
共計課銀八百九十五兩一錢六釐四毫外加硃
力羨等銀約三五釐不等查鶴長二州縣居民食
萬戶沱川鹽亦僅附近城郭村鎮戶口約計有六
七萬人一處每人日食鹽三錢每日可銷千餘斤
每年二州縣合共可銷鹽七八十萬斤現計行大
甯水陸引張一萬三千一百四十四包每包一百
十五斤共鹽一百五十一萬一千五百六十斤誠
恐銷數尙不能足額擬請籌發銀八千兩以作鹽

價每斤約一分有餘可買鹽七八十萬斤以前奉撥之二千兩作船價水腳包繩并各項人工以及安置巡卡房屋零星雜費之用二共請領銀一萬兩試行辦理再漁洋關野花平兩處走私要隘向係本商自行安人守卡驗票之所茲仍照舊請飭行鶴峰州長樂縣將各該管地方繪圖詳註造冊移交前來凡有來萬戶沱買鹽販客指定發賣去處委員照發截印註明路程給票一張過漁洋關野花平驗票放行以憑稽查又向曾奉有明文巴東歸州興山長陽等處居民或遇淮鹽不接濟時准其在沱零星買食不得過十斤以上似此恐借

端售私應請不准行

道光十三年

林則徐奏略宜昌

府屬例食川鹽之鶴峰長樂二州縣恩由兩淮委

員駐劄萬戶沱地方代川辦運原為保護淮綱起

見而兩淮鹽政相距甚遠倘借官行私無憑稽察

經臣咨前兩江督臣陶澍改為由楚委員駐辦以

便約束并只許就近購運巫山縣之大甯廠巴鹽

足敷民食不准遠赴數千里之健為縣裝運花鹽

以致下侵荊州等處接准陶澍咨覆意見亦極相

同

道光十六年

謹按歸州巴東興山長陽自漢晉唐宋以來皆

有鹽攷後漢書南蠻傳巴蠻廩君從夷水下鹽

陽射殺鹽神詳紀事與地廣記長陽縣引云卽此

地水經注夷水先與溫泉三水合此泉先出鹽

於今水有鹽氣夷水有鹽水之名新唐書秭歸

巴東皆有鹽元豐九域志歸州秭歸縣熙甯五年有興

山縣爲有青林鹽井峽州長陽縣有漢流飛魚

二鹽井巴東永昌一鹽井至

國朝雍正二年巴東縣北紙倍溪地涌鹽泉居民

日煮鹽得二千餘斤湖北巡撫納齊喀奏請照

淮鹽行引於楚北各州縣分銷部議從之據皇

改紙倍溪一作長豐鹽井歲雍正四年湖北巡

可得七十二萬斤疏未見撫鄭任鑰等復爲奏請事下兩淮鹽政噶爾泰

議恐川私混雜淮南商自願認課奏請封禁戶部

議行

戶部議略查巴東所產鹽泉先據前撫納齊略題請設引增課臣部議令照淮南鹽

斤設引起課會同兩淮巡鹽御史具題今據湖北巡撫鄭任鑰等疏稱據該縣府呈詳堅以井居萬山之中煎熬人工費重行運山險維艱不能遵照淮鹽納稅固請俯照川引起課而淮南又以井鹽煎運川私易以冒混入楚情愿認課請封鹽井查淮南鹽額楚省行銷十居其七今若以紙倍溪所產井鹽行於巴東等縣巴東地連川省恐川鹽借此混入於楚則淮鹽必致壅積於國課無益應令湖廣督撫將巴東縣紙倍溪鹽井嚴行封閉勿許奸民私行煎販倘有偷盜失察按照律例治罪處分至兩淮鹽政噶爾泰所稱情愿認課請封鹽井伏思我國家軫念淮南凡浮費額加每歲減免七十餘萬兩今以封閉巴東鹽井而令淮南認課似未公允夫課隨引辨巴東地方既將鹽井封閉自應於楚省綱引之外增添引目令該御史增引二千五百二十六道照六年四川總督岳鍾琪奏請淮引起課運銷

改食川鹽噶爾泰復奏駁不果

岳鍾琪奏略川

陽縣私井頻開較之原產鹽斤十有餘倍查自夔府以下卽與楚省歸州巴東興山二縣接壤此三州縣例食淮鹽運腳既重索價自昂雲陽相距非遙更兼鹽多價賤因之歸州巴東興山百姓往來買鹽輿販不可禁遏請將雲陽縣官私鹽井所產鹽斤於原定額引之外酌增引課餘贖鹽斤卽就歸州巴東興山民食之便在川省認引食鹽將原淮綱引課開除統歸川省辦銷令淮商來川與雲陽各井戶議明合夥煎鹽運楚發賣請交鹽臣詳議噶爾泰奏略查湖廣一省行銷淮鹽十分之七其所屬歸州巴東興山三州縣連界川省私販易侵全賴疆界攸分以便稽查禁絕今若改食川鹽則川私乘機透入難以稽查况雍正四年巴東縣地湧鹽泉一案淮商惟恐川私借名侵越情愿增引納課請將井永行封禁奉有諭旨欽遵在案今又以川省之井鹽運於巴東等縣是開販私之門誠恐蔓延全楚必致壅滯官鹽若竟歸併川省行運則井鹽所納之稅與淮鹽所納之課輕重不同且此三州縣原額淮鹽一千七百六十引

又將歸於何地行銷課餉上關國課未敢輕
易紛更至淮南浙運淮鹽世業相承安居已久
今欲令其舍現在之業遠去數千里與井戶合
夥煎鹽似非所願應請仍循舊制飭商力運淮
監隨時公平銷九年四川驛鹽道曹源邪十二
售以濟民食

年四川總督黃廷桂一再奏請戶部數援噶爾

泰議駁之

疏未見

乾隆元年大學士朱軾條奏鹽

法亦以爲言署湖廣總督史貽直始議同苗疆

一例請遇淮鹽偶乏聽民零買川鹽不得過十

斤以上著爲令

朱軾奏略行鹽地方宜酌量變通如湖廣巴東等縣逼近四川

之界而必食淮鹽有一省而各府所食之鹽地
方不同有一府而各州縣所食之鹽地方不同
者俱應就鹽地之遠近逐一查明盡爲改易則
一變通於課毫無所損而民之受福者不少戶
部議查湖廣巴東等縣向食淮鹽曾經原任川
陝總督岳鍾琪原任四川驛傳鹽茶道曹源邪

原任辰沅永靖道王柔等屢次條奏楚屬附近
川省之州縣改食川鹽經四川湖廣督撫及兩
淮鹽政詳議均以湖廣行銷淮鹽十分之七每
年額課約一百餘萬兩若川私透漏課帑恐有
礙阻未嘗准行各在案應再行令四川湖廣督
撫及兩淮鹽政將巴東等縣改食川鹽果否與
國課無損與民受福以及川私不致透漏貽
誤淮課之處秉公詳細妥議具題務期商民兩
便永遠可行四川議覆查巴東等處界連川省
逼近雲陽大甯二縣道既近鹽價又賤以兩
省情形而論改食川鹽似屬便利但經江南督
院兩淮鹽院議奏恐川私直入蔓延為害於淮
課甚有關係經部議覆如所奏仍循舊制行
策毋庸更張自應毋庸再議 史奏見緝私

湖南苗疆買食川鹽蓋始於雍正三年湖南辰

沅永靖道王柔之請而大學士張廷玉等所議

也 王柔奏新開各苗土地食淮鹽既以路遠而

價值幾至四分莫若令新開各地方官赴川省
產鹽地方辦理張廷玉等議以湖廣行銷淮鹽

十分之七每年額課約一百餘萬兩若因苗土
一隅之地領運川鹽將來川私蔓延淮引難銷
因一時苗疆價貴遂墜淮課百餘萬兩深有未便
張奏未見是時兩淮鹽政

尹會一復奏請

勅湖廣督撫將不銷官引之州縣澈底清查或官
運官銷或酌設總埠貽直議不便惟應於宜昌
專設巡卡以杜私銷密諭地方官仍遵舊制零
買給食免其緝捕不得過十斤以上亦不得轉
相貨賣至乾隆二十九年兩淮巡鹽御史高恒
復奏請將宜昌通判移駐西壩每年撥淮鹽十
萬包屯宜昌減價聽民買食以敵川私作爲十
分定給通判薪水銀八百兩缺銷一分鹽數卽

扣罰一分薪水疏皆未詳說者謂當日不封巴東鹽井則以楚人食楚產或無川淮之競云

自是鶴峰長樂始以健爲鹽色味過淮便於行私請禁止專配大甯十五年復以大甯鹽苦澀難銷請兼配健爲雲安陶澍及湖廣總督訥爾經額一再咨請四川總督鄂山許以大甯引改配雲安廠并爲封閉巫山屬菜子壩培石私開鹽店惟大昌口青石江東嶺等處許設又以委員運滯議仍招川商運行不果陶澍咨略據兩淮運司詳稱查前據委辦鶴長運務委員節次具稟大甯廠鹽味澀而苦遠近人民素不喜食又以鹽塊堅醃菜不能透骨俱不願買

以致運岸半年僅銷八十餘引詢紳耆鄉民皆稱
隄鹽味鹹凡食甯鹽十文隄鹽只須六七文現在
沱岸未運隄鹽鄉民無可買食若非配運隄鹽難
以補苴且必課食兩悞等情又經湖北鹽道飭令
各岸墊繳銀二萬兩給發該委員辦運隄雲廠鹽
并經川鹽道議明准其改配雲陽廠鹽運銷在案
伏查鶴峰長樂二州縣向係分配大甯雲陽隄爲
三廠引鹽運沱發售并不專配大甯引張如果該
二州縣岸銷暢旺該三廠額鹽原可掃數配運乃
因口岸疲滯無商承認不得已而官運試辦本不
能遽責照額完課照額配引且前據該委員查明

大甯鹽味苦澀民間不喜買食始據稟請改配健
雲廠引以利疏銷係屬循照川省向例辦理並非
該委員創始今若如川省來咨仍赴大甯廠配運
必致運鹽到岸無人買食不但曠日持久徒糜岸
費運本全行虧折而且民食未便易啟私鹽浸灌
岸銷短缺更與該州縣考成攸關而鹽未運銷尤
恐貽悞

國課况岸市疲滯不能多運鹽斤於大甯廠毫無所
益自應仍照向例准其兼運健雲引鹽以利銷市
而免虧本 訥爾經額咨略據湖北鹽法道詳據
委辦鶴長運務兩淮候補大使徐錕稟稱竊於上

年十月運鹽抵沱開售計至十二月底止銷數疲滯每日僅銷鹽二十餘包推原其故因甯鹽不合銷路而巫山從前封禁各私店今復違例開設竊會親赴巫山一帶查明江東芻菜子壩巴霧河大昌培石青石大溪等處各開鹽店廣招私販售賣鹽斤從巴東水陸直灌楚界以致運到官鹽轉形滯銷至甯廠每遇夏秋水漲或陰雨過多鹵淡停煎必逾數月維時縱有引張無從配運鄉僻小民來沱買食無鹽售給勢必因此生事不得不爲預籌查向來引案俱係健雲甯三廠兼配今試辦僅運甯鹽不合銷路且多私販若復鹵淡停煎岸務

更難支持應懇撤行夔州府通判查照川省通融
改配之例准將所領大甯廠引張隨時就近改配
雲安廠鹽斤運沱俾濟民食而衛准綱 鄂山咨
略查鶴峰州額行大甯廠鹽水引一百八十一張
陸引一百張雲陽廠水引二十四張陸引六百一
十九張前據該委員徐錕議稟專辦大甯廠水陸
引張止領水引一百八十一張陸引三百一十九
張自應於雲陽廠陸引內撥出二百一十九張以
足三百一十九張之數同長樂縣領銷大甯廠水
引四十九張陸引九十二張一併發交夔州通判
轉發該委員承領行銷在案茲據該委員徐錕以

甯廠每遇夏秋水漲或陰雨過多鹵淡停煎必逾
數月維時縱有引張無從配運鄉僻小民赴沱買
食無鹽售給勢必因此生事不得不預爲籌措懇
求夔州府通判查照川省通融改配之例准將該
委員所領大甯廠引張隨時就近改配雲安廠鹽
斤運沱俾濟民食等語自應俯如所請又該委員
所稱巫山一帶江東背菜子壩巴霧河大昌培石
青石大溪等處各開鹽店廣招私販售賣鹽斤懇
將違例私開鹽店查案封禁等語查江東背與跳
石僅隔一河卽在巫山縣東門外該商等因跳石
地方於乾隆五十八年被水衝成灘口難以擺埠

始將鹽店移設該處咨明楚省有案是巫山縣屬之大昌口青石江東菁等處均經咨明應設鹽店惟菜子壩培石兩處不准開設鹽店自應委員前往查明封閉鄂山又咨查委辦鶴長運務委員屢據稟報銷數甚滯一切經費均無所出今若將十五年健雲引張再歸委員辦運必致引鹽愈形壅積有悞川省課款應仍飭川商代辦俟該州縣銷市稍暢再行酌量收回辦理至鶴長二州縣徵解鹽稅並繳引遞延有應議處分從前既係楚省查辦應仍由楚省查議辦理

道光十五年

十七年湖北鶴長委員又以雲引仍滯非兼配健鹽

不能補救陶澍復爲咨請湖廣總督林則徐則以隄鹽往往由宜昌直灌荊州不便宜并絕雲隄專配大甯鄂山議以爲如此是大甯將虞枯竭而雲安隄爲鹽且溢滯也明年則徐固請以爲淮綱所係問不容髮雲隄銷滯請以大甯溢數相抵卽不敷楚省任之奏上事下戶部議如則徐奏暫停長樂續增隄爲引留部試辦一年自是鶴長歲銷大甯鹽頗如額二十年復請將十七年以前雲廠積引改配大甯銷竣然終無溢數以抵隄爲引課歲凡二千七十七兩於是歲常由楚墊納矣

陶澍咨略查隄爲雲安大甯三廠引鹽遇有不合

銷路川省向有通融配銷之例思准咨明改配今
既據安知事樹森查明隄鹽易銷雲鹽多滯似未
便仍運雲鹽轉致銷滯課絀應請將接收未配之
雲安乙未年積引水引十二張陸引四百張新領
雲安廠丙申年水引二十四張陸引四百張改配
隄爲廠水引以便行銷 林則徐咨略查鶴長運
務由兩淮派員經理名爲行銷川引實以保固淮
綱乃因歸巴興陽四州縣有借食川鹽准買十斤
之例遂與萬戶沱官店影射轉販浸灌下游今欲
杜絕川私本應先禁借食惟念窮民零買已久驟
然禁止勢有所難自當姑仍其舊但萬戶沱配運

川鹽惟大甯最近乃反舍近圖遠於相距三千二百餘里之犍爲廠運鹽來沱何其不憚煩如是總因犍鹽色高味美不獨暢行宜郡并可直灌荊州歷年荆屬銷鹽每有退步未始不由於此卷查道光十三年該委員安知事初辦鶴長運務曾據稟請專配大甯廠鹽停辦犍雲兩廠以杜假借之弊所稟本屬爲公嗣委鹽大使徐錕接辦復經稟准配運犍鹽致滋弊竇茲仍議專配大甯廠將犍雲廠鹽停止以絕下游銷路至行引納課各廠科則不同查犍爲廠額行長樂引張應完課銀二千七十七兩雲安廠額行鶴長水陸引張應完課銀八

百九十三兩零二共應完課銀二千九百七十兩
零如大甯厥鹽歲有溢額則溢運之鹽亦應照數
完課卽將大甯溢銷課引劃抵犍雲之缺如不能
劃抵應請由湖北鹽道庫貯項下籌款動支完納
犍雲應納課項課銀旣已籌補所有鶴長二州縣
銷鹽處分自應咨部免議 林則徐奏略竊照楚
省額銷淮鹽多至七十七萬九千九百餘引而與
川粵潞黔引地處處毗連各處鹽課皆輕而淮鹽
獨重各處鹽本皆賤而淮鹽獨貴各處運鹽皆順
流而下而淮鹽獨逆流而上故鄰鹽無不越疆占
賣而百姓只圖賤價食私堵緝之難久荷

聖明洞鑒臣既不敢請融重課於他省又不敢請移食
岸於鄰封惟有察其透漏最甚之區設法嚴行禁
阻如荊州一府木楚北旺售之地若被川鹽連檣
下灌則淮鹽斷難行銷故必於荊州上游之宜昌
府屬節節防堵而宜昌府所屬卽有鶴峰一州長
樂一縣照例應與施南全府同食川鹽若論淮界
藩籬固難免開門揖盜但該處荒山瘠土窮民粒
食維艱川鹽近在咫尺每斤市價不過二十文淮
鹽到彼則賣價約須兩倍定例許其買食川鹽原
係體卹之意第恐川販乘機浸灌便無底止是以
鶴峰長樂二州縣所行川引特由兩淮委員駐劄

萬戶沱地方代川運售意謂兩淮所委之員自必保護淮界無如其地距淮南遠至四千餘里委員有無弊竇在淮難以周知臣上年察看情形咨商兩江督臣陶澍改爲由楚委員駐辦以便就近約束并以鶴長二州縣每年額銷川鹽共止水引五百六十四張陸引八百十一張本屬不多雖歷辦章程許於四川之大甯雲安犍爲三場鹽斤通融配運然果只濟該二縣民食不圖越界浸銷則專配大甯一場已屬有贏無絀蓋大甯場距委員駐劄之萬戶沱僅四百十五里運售最便雲安廠相距七百餘里其中尙有數十里旱路委員本不願

運若犍爲厥則相距三千二百餘里更屬遙遠然
委員不得其人則轉欲遠運犍爲之鹽以圖影射
緣犍鹽色高味美於荊州一帶最利行銷彼請運
犍鹽者乃專圖浸灌荊州并非爲鶴長二州縣民
食起見也當咨商兩江督臣陶澍意見極合卽移
咨四川督臣轉行該省鹽道知照又恐犍爲雲安
二廠少配鹽斤或於課額不無稍絀復經商請以
大甯溢配之課劃抵犍雲二場設使尙有不敷亦
由楚省補解足數總使川課絲毫無短 鄂山咨
略據鹽茶道周培嶽詳查鶴峰州額配雲廠水引
二十四張陸引六百一十九張每年應徵鹽稅截

硃銀兩由夔州通判督催徵解其健爲廠額行長樂水引三百一十張每年應徵鹽稅羨截由健爲完納均經報明大部有案至四川省每年查辦鹽課稅羨截銀兩報銷冊定例於四月內出題如課稅未清應照例按分數開參若如楚省來咨將大甯縣溢銷課引核數劃抵健雲之缺如不敷劃抵應於楚省鹽道庫貯項下籌款動支以補健雲應納課項是每年大甯溢銷課引若干事無定準且川楚程遙補解課項恐鞭長莫及勢必有悞銷期造報銷冊殊難辦理再川省鹽井或衰或旺原無一定改配廠鹽亦係權宜補救之計若如楚省來

咨將健雲兩廠鹽斤停止專配大甯廠鹽設或大甯井鹽不旺竊恐有悞配運而健雲二廠溢出鹽斤勢必積貯難銷以川省情形而論專配甯廠之鹽似難遵議

道光十七年

林則徐奏略適准川督臣

來咨以鶴長二州縣專配大甯廠鹽與該省原案不符即補解課項亦恐路遠鞭長有悞銷期造冊等語復據司道詳稱鶴峰長樂二州縣均係改土歸流乾隆初年議食川鹽原派引張本無健為在內迨乾隆二十二年至五十年始將長樂一縣續增健為水引至三百一十張而淮界遂為健鹽所灌茲欲嚴杜侵越之害斷不可再行健為之鹽仍

請查照辦理等情臣查川楚毗連之處彼此銷鹽
界限間不容髮若川鹽侵越一分卽淮鹽結銷一
分此乃必然之理似未便聽川鹽之影射而不嚴
淮界之藩籬况鶴長原運川鹽本無健爲在內今
議仍還其舊專配大甯近鹽足濟鶴長民食禁運
健爲遠鹽可免直灌荊州截私疏引之方舍此并
無他術 戶部議略卽將鶴峰長樂二州縣引鹽
專配大甯一廠其雲安健爲二場鹽斤暫行停運
試辦一年仍令湖廣四川督臣隨時體察果能於
該處民食毫無窒礙淮川引課均有裨益屆時會
議具奏再行定案

道光十
八年

湖廣總督裕泰咨略

據湖北鹽法武昌道鄒之玉詳據委辦鶴長運務委員稟稱竊照宜昌府屬之鶴長兩州縣例食川鹽向係配運雲安雒爲大甯三廠之引自道光十七年奉准奏明專配大甯一廠停運雲安雒爲二處其課額不敷由道庫籌補如大甯有溢配之引劃抵二廠之課十八年遵照奏案專配大甯廠鹽并請將鶴長引鹽運往鶴長引地設店行銷免與淮鹽牽混其歸州巴東興山長陽四州縣向有每人借食十斤之例卽在萬戶沱官店零售以濟民食彼時鶴長地面私鹽充斥以致積壓大甯未配引張頗多嗣將官鹽運往鶴長引地行銷甯引逐

漸疏通至二十年間前委員吳琛因十七年以前積存雲安廠引張不少詳請夔州通判轉稟將雲安廠道光十七年水陸引四百二十四張改配大甯廠鹽又道光二十五年前委員黎道鈞援案請將自道光十八年起歷年積存雲安廠水陸引張悉數改配大甯廠鹽詳奉批准咨川暨川鹽茶道飭遵照辦各在案竊自本年六月奉委接辦從前積慣食私鹽者近俱就食官鹽惟按年大甯祇運額引無多前次委員所辦均有積引卽所改雲安歷年積引亦已代銷漸罄數祇十分之五殊覺不敷接濟因思犍爲廠引張本係長樂之引現在虛

解引課空累楚省墊賒則雲安之引既已改配大甯之鹽健爲之引事同一律亦可仿照辦理應請

自本年起將健爲廩每年額行長樂水引三百一

十張改配大甯廩鹽由沱納課

道光二十七年

至三十年湖北軍興課積不能納咸豐二年濟楚鹽行八州縣計岸大絀課愈無出九年湖廣總督官文湖北巡撫胡林翼先後奏請停止墊納并請將厯歲積欠一萬八千八百兩有奇豁免自後長樂引鹽仍專配大甯一廠戶部議以道光三十年至咸豐二年濟楚未行以前欠課宜歸湖北濟楚既行宜歸四川責令補納以後墊納之款仍責四川就大甯徵納不

果同治二年四川總督駱秉章始請罷委員改由四川招商專運長樂鹽仍配健廠四川欠課卽責川商分八年內補納戶部議從之其實商緣爲奸課仍無著至光緒六年統於四川官運

以後詳官運

官文奏略竊照湖北長樂縣地方行銷四川所屬之大甯雲陽健爲三處引張嗣於道光十八年經前督臣林則徐以雲陽健爲二廠之鹽色白味美恐礙淮綱奏請專配大甯一廠停配雲健二廠其引課由楚省於商解岸費項下籌解等因在案惟自淮運梗阻以來淮商應解楚省岸費等款久已無著而自道光三十年起至咸豐八年止長樂縣

認銷健爲廠每年未完引稅銀一千五十五兩五錢五分羨截銀一千二十一兩四錢五分羨截內每年共酌留書巡飯食銀一百八兩五錢暨二十七八兩年短平申水銀一百二十六兩九錢九分九厘以上九年共積欠銀一萬八千八百一十九兩九錢九分曾經戶部暨川省咨催完繳實因淮運久梗無從籌解且長樂縣自道光十八年奏定章程以後行銷水陸引鹽俱在大甯廠配其餘雲健兩廠鹽斤停配已久往時因保衛淮綱以杜川私浸灌責令淮南認納事屬權宜而自咸豐元年淮鹽改引爲票漢商移岸九江票商甫經舉行卽值粵

匪滋擾江路梗塞楚民淡食堪虞經前督臣張亮
基暨奴才先後議楚省借運川鹽酌提稅課歲收
錢百餘萬貫於濟餉便民兩資利賴是川鹽之提
課弛禁迺非往時情形可比其從前借食川鹽之
長樂鶴峰州縣更無須採配川鹽卽不能責令再
完引稅茲經奴才咨商兼署四川督臣有鳳咨覆
亦以川省辦理奏銷虛列此款應行停止豁除等
因行據湖北鹽法道顧文彬具詳前來相應籲懇
天恩俯准飭部將湖北長樂縣續增犍爲縣引稅羨截
飯食等銀停止認解並將咸豐八年以前積欠各
款一並豁除以免徒事咨催 戶部議略查湖北

長樂縣續增川省犍爲廠引稅羨截厯年應完銀兩前據湖北巡撫咨稱現在鹽務改章無從墊解當經臣部檢查咸豐七年鹽羨報銷冊內開列長樂縣自道光三十年起至咸豐七年止每年應完銀數并四川總督於各年報銷案內聲稱係湖北長樂縣未完之款行令速催完報嗣於本年六月間據署理湖北巡撫胡林翼咨請將長樂縣續增犍廠鹽羨等銀停止并將從前欠課豁除復經臣部指出各情節行令查明報部并轉飭將欠課完解各在案茲據該督所稱長樂縣引鹽現在專配大甯一廠停配雲犍二廠核與道光十八年前督

臣林則徐奏案相符其所稱淮運梗阻岸費無著尙屬實在情形惟咸豐三年以前淮運尙未阻滯楚省於淮商應解岸費任其延久并不著力催完未免懈弛至咸豐三年以後淮引不行商人星散課項無出長樂縣係配川鹽每年應徵之項理應就大甯廠徵收而川省於湖北借運川鹽則知辦理抽釐於長樂縣配銷川鹽并不籌及就場收課直以該縣鹽課有無徵完與川省無涉未免膜視鹽務意存推諉所有該督請將長樂縣道光三十年起至咸豐八年止積欠銀一萬八千八百餘兩一併豁免之處課項攸關未免無著臣等公同酌

核自道光三十年起至咸豐二年止淮運未停以前長樂縣未完之項應由楚省籌補自咸豐三年起至八年止淮運既停以後長樂縣欠項應由川省籌完各該省於補完後卽行造報毋得藉詞互相推卸至請將長樂縣續增犍爲廠鹽羨等項停止一節查長樂縣雖不採配犍廠之鹽而專配大甯一廠同一配銷川鹽卽應由川省徵課嗣後該縣配銷大甯廠鹽斤應請

旨飭下四川總督按照該縣每年應徵鹽稅羨截飯食等銀數就廠徵收照解

咸豐九年

官文奏略竊准戶

部咨議覆湖北長樂縣續增川省將犍爲廠引稅

羨截飯食等銀自道光三十年起至咸豐二年止
淮運未停以前長樂縣未完之課應由楚省籌補
等因行據湖北鹽法武昌道厲雲官轉據鶴長委
員稟稱宜昌府屬之鶴長二州縣向係額配大甯
續增額配犍爲廠自道光十八年經前督臣林則
徐奏明犍鹽色白味美恐礙淮綱停配犍廠之鹽
犍引截角在部鶴長口岸未准領引配銷應完犍
課由楚省岸費項下籌解嗣因淮鹽梗阻鹽務改
章岸費無出無從籌解又經奏明停止認解並請
將積欠犍課一并豁免嗣奉部覆飭據鶴長運務
委員稟經四川鹽道以鶴長口岸自委員接辦以

來僅領甯廠水陸二引合折水引三百一十八張
八分八則并未領長樂續增犍廠停配水引三百
一十張無從認解請將積欠犍課豁除并將犍廠
水引三百一十張自咸豐十一年爲始一并發交
委員領行改歸大甯廠就近配鹽庶犍課有著甯
課無礙其未經奏請頒發以前積欠犍課應請川
省檄飭犍爲縣查明鶴長口岸停配後該廠歷年
所產鹽斤供配何商行銷何岸責令該廠商竈就
廠按鹽完繳以填積欠犍引稅項庶長樂縣可免
空賠無引之課而犍爲廠亦不得私銷無課之鹽

同治
元年

駱秉章奏略竊臣前准戶部咨兩湖督臣

官文奏請將部中扣存健廠續增長樂縣鹽水引三百一十張發川交湖北委員領運改配大甯廠鹽其以前積欠稅羨飭令健爲縣查明著落行運商竈措繳等因伏查湖北長樂縣續增水引三百一十張向配健廠鹽斤由健商領引納課嗣於道光十八年前兩湖督臣林則徐以健鹽色白味美有礙淮綱奏請將前項引張扣存部中每年應徵稅羨銀二千七十七兩由楚省岸費項下提解繼因淮運梗阻岸費無著課羨卽未能解繳復經前湖北巡撫臣胡林翼奏請豁免奉部議駁行令將道光三十年起至咸豐二年止淮運未停以前由

楚省籌補咸豐三年起至八年止淮運既停以後
由川省籌完等因歷年奉部咨催雖經嚴飭健爲
等縣籌解而引既未行課羨實無從出以致日久
虛懸部臣議令自咸豐十一年爲始將引發川交
與湖北委員領運改歸大甯廠配鹽自係救課便
民之舉第引張旣歸委員領配而以歷年無著之
課責成健爲縣歸繳衡情度理非特商竈不肯無
故賠還卽該縣亦難設法追取矧以川省額引發
交楚員領運於定例似亦不符臣督同鹽茶道啟
芳再四籌商與其改廠改運而事多窒礙不若招
商領配而事有責成且鶴長二州縣居民喜食健

鹽因勢利導更覺簡便易行請將長樂縣續增犍
爲縣鹽水引三百一十張仍行發川由道札飭犍
爲縣刻期招募委商領引行運并責令該認商以
領引之日起將淮運既停以後歷年積欠稅羨分
作八年彌補清款庶正供有著而辦理亦無窒礙
其引張未經到川以前如先已招有妥商卽由鹽
茶道在庫存餘引項下如數撥出交商認領趕運
用顧稅羨 戶部議略查湖北長樂縣續增水引
三百一十張向配犍廠鹽斤由犍商領引納課嗣
以犍鹽有礙淮綱因准暫行扣除現今淮運梗阻
課羨虛懸若不設法籌銷正課羨餘均歸無著該

督以楚員領運於例未符請仍由川省招商領運
係爲利運裕課起見應如所奏辦理至所稱淮運
既停以後歷年積欠稅羨責成該認商以領引之
日起分作八年彌補等因查該省歷年積欠稅羨
臣部前奏自咸豐三年起至八年止由川省籌補
其九年以後積欠銀兩亦應照數籌補應令該督
轉飭鹽道飭商將九年以後欠項一并籌補足數
專案報部查核其淮運未停以前積欠課羨銀兩
前經臣部奏明由楚省完納籌補應仍令兩湖總
督轉飭鹽道作速籌補毋任拖欠

同治二年

湖北八州縣行鹽截驗道里表

凡水道用陰文陸道用陽文其至某地有分數道者地名用重書後雲南貴州同

採
配
健為廠

雲陽廠

大甯廠

彭水廠

截
驗
四望關

本廠設驗
出關

廠大使
截驗

廠大使
截驗

郁山巡檢
驗放

湖北
驗卡
大河壩

官運委員
提檢換載

河口灘
官運子卡
起截般吊

大甯縣
官運子卡
般驗

彭水縣
截驗

不具
縣門關

縣東一里
具驗

夔州府
通判換票

江安縣
般吊所

重慶府
經歷截驗

夔州府
通判換票

健廠官運鹽自廠行二千雲廠官運鹽白廠行三甯廠官運鹽自廠行二郁廠鹽少不歸官運聽
二百餘里至萬縣分局十五里至雲陽提檢卡百一十里至巫山提檢本商由本廠運行
發商凡官運道里具長發商
江圖下惟詳商運道里
卡發商

發商 十重

萬縣分局

雲陽提撥卡 巫山提撥卡

本廠

沸池

野土地廟基子

大溪口

鴨蛋石

青石

青石

小江

萬流

一百里

丸馬嶺

夔州府
溫濟石

上洋本

小帳

南木園

大溪口大溪口

漆樹壩漆樹壩

雲陽縣

官溪口

龍釘溝

馬頭場

料箭槽

料箭槽

黔江縣

三百里

廟耳槽

紅村

山

白鶴溪

毛田

巴東

磨刀溪

石埡子建始坪

成豐丁寨

杉木架

野花坪

建始縣

三百里

建始縣

崔家廟

店子坪

老坪州

刊川縣

龍駒河

熊家廠

新

北

黃鶴溪

通

成豐縣

四百里

向家村

曲溪

來鳳縣

向家村金果坪

恩施縣

恩施縣金雞口

天橋

黃陵廟

乾溪河

乾溪 鶴聖州

南沱

黑洞黑洞

抱土埡

平善場

宣恩縣

宣恩縣

宜昌府

茅壩場

虎牙灘

板料場

鼓樓前

宜昌 咸寧縣

宜昌

中堡

甘溪河

乾塘司

官路

清江口

清江口

吉里

來鳳縣

來鳳縣

漢洋關

八里

九百里

千里

湖潭

湖潭

長樂縣

千
百

千
百

鶴
峯
州

手書

四川鹽法志卷八 湖廣道里表

三